

# Samþykktir Félags Makrílveiðimanna

## 1. Heiti Félagsins

Félagið heitir „Félag makrílveiðimanna“

## 2. gr. Tilgangur og markmið

Félagið á að gæta hagsmuna þeirra útgerðarmanna sem stunda makrílveiðar með krókum gagnvart stjórnvöldum sem og eftir atvikum öðrum félagasamtökum útgerðarmanna sem hafa aðra hagsmuni. Tilgangur félagsins er tryggja sameiginlega hagsmuni félagsmanna og stuðla að háþróun arðsemi veiðanna með því að tryggja þeim varanlegan sess í fiskveiðistjórnunarkerfinu á sama hátt og öðrum makríl- og fiskveiðum á Íslandi.

Félagið mun ötullega kynna að krókaveiddur makrill skapi meiri útflutningsverðmæti fyrir hvert landað kíló samanborið t.d. við trollveiddan makríl. Til þess ber að líta þegar úthlutað er milli þessa tveggja veiðarfæra – en makrílveiðar á Íslandi eru einungis stundaðar í troll annarsvegar og með krókum hinsvegar.

## 3. gr. Meðlimir og Atkvæðavægi

Félagsmenn í félaginu geta þeir einir orðið sem eiga bát sem hefur yfir að ráða meira en 10 tonnum af úthlutaðu aflamarki í makríl sem veiða á með krókum. Aðildin er skráð á bát samkvæmt skipaskrárnúmeri og hefur hver bátur eitt atkvæði á öllum fundum félagsins. Missi bátur aflamark sitt eða það verður minna en sem nemur 10 tonnum missir hann aðild sína að félaginu.

## 4. gr. Starfstímabil

Starfstímabil félagsins er almanaksárið. Á aðalfundi skal stjórn gera upp árangur liðins árs. Aðeins einn fulltrúi hvers báts getur verið þátttakandi á aðalfundi.

## 5. gr. Aðalfundur

Aðalfundur skal halda eigi síðar en 1. júlí ár hvert og skal boðað til hans með að minnst tveggja vikna fyrirvara með sannanlegum hætti. Aðalfundur er löglegur, sé rétt til hans boðað. Allir félagsmenn hafa rétt á að sitja aðalfund. Einfaldur meirihluti mætttra félagsmanna ræður úrslitum mála. Dagskrá aðalfundar skal vera sem hér segir:

1. Kosning fundarstjóra og fundarritara
2. Skýrsla stjórnar lögð fram
3. Reikningar lagðir fram til samþykktar
4. Lagabreytingar
5. Ákvörðun félagsgjalds
6. Kosning stjórnar
7. Önnur mál

## 6. gr. Stjórn

Stjórn félagsins skal skipuð sex félagsmönnum og tvo til vara. Á fyrsta aðalfundi félagsins skal kjósa þrjú stjórnarmenn og einn til vara til eins árs og einnig skal kjósa þrjú stjórnarmenn og einn til vara til

tveggja ára setu í stjórn. Á aðalfundum félagsins skal svo í framhaldi kjósa þrjú stjórnarmenn og einn til vara til tveggja ára. Nýkjörin stjórn skal velja formann, ritara og gjaldkera úr sínum hópi, sama dag og aðalfundur er haldinn. Stjórn félagsins fer með málefni félagsins milli aðalfunda. Formaður boðar til funda. Falli atkvæði á jöfnu skal atkvæði formans gilda tvöfalt. Firmaritun er í höndum meirihluta stjórnar. Ritari skal rita og halda fundargerðir fyrir fundi stjórnar.

#### **7.gr. Félagsgjald**

Félagsgjald skal vera 25 aurar á hvert úthlutað kíló af makríl. Félagsgjöld eru ársgjöld og skulu greiddast fyrir 1. Ágúst ár hvert. Hafi bátur ekki greitt félagsgjald sitt missir fulltrúi bátsins atkvæðisrétt á aðalfundi.

#### **8. gr. Meðhöndlun hagnaðar**

Rekstrarafgangi/hagnaði af starfsemi félagsins skal ráðstafað til næsta starfsárs en huga þá að því að lækka félagsgjöldin á næsta ári verði eignir félagsins verulegar.

#### **9. gr. Slit félagsins**

Ákvörðun um slit félagsins skal taka á aðalfundi með auknum meirihluta atkvæða (66%). Þeim fjármunum sem kunna að vera til í félaginu skal þá ráðstafað til þeirra góðgerðarmála sem aðalfundurinn ákveður og getur um í tillögu sinni um félagsslit.

Lög þessi voru samþykkt á stofnfundi sem haldinn var í Reykjavík þann 11.02.2017 en stofnfundurinn var einnig fyrsti aðalfundur félagsins.

***Nöfn og kennitölur allra fulltrúa á stofnfundi.***